

9924

ԿԱՆՈՆԱԴՐՈՒԹԻՒՆ

ԹԻՖԼԻՍԻ ՎԱՃԱՌԱԿԱՆՆԵՐԻ ՓՈԽԱԴԱՐՁ

ՕԳՆՈՒԹԵԱՆ ԸՆԿԵՐՈՒԹԵԱՆ

— 303 —

334.7
4-21

Թ Ի Յ Լ Ի Ս

Տպարան «ՀԵՐԱԼԺ» Ս. Պ. Եղիզարեանի, Մադաթեան փ. № 5,
1907

APM.
2-479a
334.7
4-21


ԿԱՆՈՆԱԴՐՈՒԹԻՒՆ

ԹԻՖԼԻՍԻ ՎԱՃԱՌԱԿԱՆՆԵՐԻ ՓՈԽԴԱՐՁ

ՕԳՆՈՒԹԵԱՆ ԸՆԿԵՐՈՒԹԵԱՆ

468

2001



Թ Ի Ֆ Լ Ի Ս

Տպարան «ՀԵՐԱՐԷՍ» Ս. Պ. Եղիզարեանի, Մաղաթեան վ. № 5.
1907 (4)

2010

По журнальному постановлению Тифлисского Губернского по деламъ обществъ Присутствія 31 июля 1907 года «Общество взаимной помощи купцовъ г. Тифлиса» внесено въ реестръ подъ № 10, настоящей уставъ утвержденъ и къ возникновенію дѣятельности означеннаго общества прешаствій не встрѣчается. Августа 1 дня 1907 года.

И. Д. Тифлискаго Губернатора
И. Д. Вице-Губернатора Чернявскій.



29474-63

ԿԱՆՈՆԱԴՐՈՒԹԻՒՆ
ԹԻՖԼԻՍԻ ՎԱՃԱՌԱԿԱՆՆԵՐԻ ՓՈԽԱԴԱՐՁ ՕԳ-
ՆՈՒԹԵԱՆ ԸՆԿԵՐՈՒԹԵԱՆ

Ա. ԸՆԿԵՐՈՒԹԵԱՆ ԼԱՎԱՏԱԿՐ

§ 1. Ընկերութեան նպատակն է.

ա) Իւր այն անդամներին, որոնք անբարեկաջող հանգամանքներից կարիքի մէջ են ընկել, օգնութեան հասնել:

բ) Ընկերութեան միջոցների ներածին չափ աշխատել կրեզիտ բաց անել կարիք ունեցող անդամների համար և նրանց վերահաստատել կրեզիտի մէջ:

գ) Ընկերութեան անդամների և կողմնակի անձանց մէջ հարթել առևտրական յարաբերութիւնները, հիմնելով միջնորդ դատարաններ և այլ հաշտութեան կամիւրաներ, հանգամանքներին նայած, խոյս տալու դատաստանական թանգ նստող պրօցէսներից:

դ) Իւր անդամներին սպառնացող ամեն տեսակ վտանգից պաշտպանել օրէնքներով թոյլատրւած բոլոր միջոցներով:

ե) Օգնել մեռած անդամի ընտանիքին, եթէ նրա մահից յետոյ միջոցներ չեն մնացել:

§ 2. Ընկերութեան օգնութիւնը կայանում է.

ա) Տալով կարիք ունեցող անդամներին փող, շոր, կերակուր և բնակարան, նմանապէս թաղելով մեռած անդամներին:

բ) Տալով մեռած անդամների որդեկաններին որ և է կրթական հիմնարկութիւն:

գ) Մտնելով բանակցութիւնների մէջ այն անձնաւորութիւնների և ֆիրմաների հետ, որոնց հետ ըն-

կերութեան կարիքի մէջ գտնուող անդամները յարաբերութիւնների մէջ են գտնուում:

դ) Որոշուելով միջոցներ այն անձնաւորութիւնների դէմ, որոնք զանազան միջոցներով աշխատում են փող դուրս կորզել ընկերութեան անդամներից և այդ միջոցները գործադրելով:

Բ. Ընկերութեան գործունէութեան օրջանը եւ նրա իրաւունքները:

§ 3. Ընկերութեան գործունէութիւնը սահմանափակուում է Թիֆլիզով:

Ծանօթ. Ընկերութեան հիմնադիրներն են՝ Թիֆլիսի վաճառականներ՝

1. Արկադիյ Նազարեան Միլեան (Պասկելիչի փողատուն Պարազեանի)
2. Բարսեղ Սարգսեան Եղիազարեան (Վելեամիչ-նովսկայա փող. սեփ. տուն)
3. Գէորգ Գաբրիէլեան Շադիյեան (Միքայէլեան պրօսպ. տուն Իսարովի)
4. Յովհաննէս Գրիգորեան Կաճկաճեան (Բեհլու-թեան փող. սեփ. տուն).
5. Արշակ Յարութիւնեան Կոնդախսազեան (Հաւլաբար, Զարաբաշ. փող., սեփ. տուն).

§ 4. Ընկերութիւնն ունի կնիք «Թիֆլիսի վաճառականների փոխադարձ օգնութեան ընկերութիւն» մականորութեամբ:

§ 5. Իր միջոցները ընդարձակելով ընկերութիւնն իրաւունք ունի՝

ա. Ձեռք բերել ամեն տեսակ շարժական և անշարժ կայք և այն ընկերութեան սեփականութիւն դարձնել, կայքը գրաւ դնել, կնքել փոխառութիւններ և կապել ամեն տեսակ ակտեր, պայմաններ, համաձայնութիւններ, նմանապէս պաշտպանել ընկերութեան

շահերը իր լիազօրների միջոցով պետական բոլոր հիմնարկութիւններում և վարչական հիմնարկութիւնների պաշտօնական անձնաւորութիւնների առաջ:

բ. Պատշաճաւոր իշխանութեան թոյլտուութեամբ, կատարելով այդ հիմնարկութիւնների մասին եղած կառավարութեան բոլոր օրէնքներն ու կարգադրութիւնները, բաց անել ճաշարաններ, գրադարաններ, հրատարակել իր սեփական լրագիր:

գ. Իշխանութեան թոյլտուութիւն վերցնելով կազմակերպել հրապարակական դասախօսութիւններ, գրական երեկոյթներ և այլն:

Գ. Ընկերութեան կազմը

§ 6. Ընկերութեան կազմը անորոշ է, նրա մէջ մտնում են առանց սեռի և ազգութեան խարութեան վաճառականական դասակարգին պատկանող անձնաւորութիւնները:

§ 7. Ընկերութեան անդամները լինում են պատուաւոր և իսկական:

§ 8. Ընկերութեան պատուաւոր անդամներն են այն անձնաւորութիւնները, որոնք ընկերութեան տալիս են մեծ նւիրատուութիւններ կամ որոնք ընկերութեան համար կատարում են ուրիշ կարևոր ծառայութիւններ: Դրանց ընտրում է ընկերութեան ընդհանուր բողոքը:

§ 9. Իսկական անդամներն են.

ա. Այն անձնաւորութիւնները, որոնք ընկերութեան զբաղակցին տալիս են ամսական ամենաքիչը մէկ բուլլի կամ միանգագ տալիս են ամենաքիչը հաւրիւր յիսուն բուլլի:

Ծանօթ. I Իսկական անդամ գրուելու համար հարկաւոր է ընկերութեան նախագահի բերանացի յայտարարութիւնը, ներկայացնելով հասանելիք անդամակցական վճարը:

Ծանօթ. II Այն անձնաւորութիւնները, որոնք ի-

րանց ձրի աշխատանքով ծառայում են ընկերութեան նպատակներին, օր. որոնք պատրաստակամութիւն են ցոյց տալիս ընկերութեան հովանաւորութեան տակ գտնուած չբաւորներին իրանց խնամատարութեան տակ առնելու կամ որոնք յանձն են առնում մեռած անդամների օրը ընդամենի քործերը վարելու, — գրանք կարող են ընկերութեան անդամ դառնալ, ընդհանուր ժողովի գաղտնի քէշարկութեամբ ընդունած որոշման համաձայն, առանց որ և է անդամակցական վճար տալու:

§ 10. Այն իսկական անդամները, որոնք մինչև հաշուետւական տարուայ վերջը չեն տուել իրանց անդամակցական վճարը, համարւում են ընկերութեան կազմից հեռացւած:

§ 11. Ընկերութեան սկզբնական կազմի մէջ մըտնում են հիմնադիրները, որոնք կանոնադրութիւնը հաստատելուց և դրան հետևող ընդհանուր ժողովից յետոյ կրում են պատաւաւոր կամ իսկական անդամների կոչումը, նայած իրանց յանձն առած պարտականութիւններին:

§ 12. Այն անգամը, որը իր գործողութիւններով փնասում է ընկերութեանը, ընդհանուր ժողովի որոշմամբ կարող է ընկերութիւնից հեռացել:

Գ. Ընկերութեան միջոցներ

§ 13. Ընկերութեան միջոցները կազմում են.

ա) Անդամակցական վճարներ:

բ) Ընկերութեան զրամագլխի ու շարժական և անշարժ կայքերի եկամուտները:

գ) Ընկերութեան անդամների, մասնաւոր անձնաւորութիւնների և զանազան հիմնարկութիւնների նւիրատուութիւնները, ինչպէս փողով, այնպէս էլ առարկաներով, նմանապէս կտակներով:

դ) Ընկերութեան կազմակերպած հասարակական և գրական դասախօսութիւններից գոյացած եկամուտները:

ե) Իր հրատարակած լրագրի և բացած գրադարանի եկամուտները.

Յանթ. Ընկերութեան ստացած բոլոր գումարների և առարկաների համար պահւում է մանրամասն ցուցակ և նրանց գործադրելու հաշուետւութիւնը:

§ 14. Ընկերութեան ստացած բոլոր գումարները բաժանուում են չորս մասի՝ հիմնական, պահեստի, մասնաւոր և ծախսերի զրամագլուխներ:

§ 15. Հիմնական զրամագլուխը կազմւում է ընկերութեան մշտական եկամուտները ապահովելու համար և գոյանում է ընկերութեան զրամարկղը մտած բոլոր գումարների 100/0-ից, ի բաց առեալ մասնաւոր գումարները:

§ 16. Պահեստի զրամագլուխը նմանապէս գոյանում է ընկերութեան ստացած բոլոր գումարների 100/0-ից, ի բաց առեալ մասնաւոր գումարները, իսկ ծախսւում է ընդհանուր ժողովի որոշման համաձայն ընկերութեան արտակարգ կարիքների համար:

§ 17. Մասնաւոր զրամագլուխը կազմւում է այն նւիրատուութիւններից, որոնք, նւիրատուների կամքի համաձայն, կարող են ծախսել միայն որոշ կարիքների համար:

§ 18. Մնացած բոլոր գումարներից գոյանում է ընկերութեան ծախսերի զրամագլուխը, որը գործ է զրւում ընթացիկ ծախսերի համար:

§ 19. Ընկերութեան զրամագլուխները շատոնաւով ձեռք են բերւում պետական կամ կառավարութեան ապահովագրած տոկոսաբեր թղթեր, որոնք պահւում են պետական բանկում կամ այն խնայողական զրամարկղներում, որտեղ բանկային օպէրացիաներ են կատարւում: Այնտեղ է պահւում նաև ընկերութեան ծախսերի զրամագլուխը ընթացիկ հաշուով:

Յանթ. Փանծապահի ձեռքի տակ կարող է փնայ միայն մի չնչին գումար մատուցայ և անհրաժեշտ ծախսերի համար, որի չափը որոշւում է ընդհանուր ժողովը:

§ 20. Ընկերութեան գումարները կարելի է ծախսել միայն ընդհանուր ժողովի թոյլտուութեամբ: Այդ ծախսերը որոշւած են լինում կամ ընդհանուր ժողովում հաստատած նախաճաշիւններով կամ առանձին ժողովների որոշումներով:

Ծանոթ. Բացառիկ դէպքերում վարչութեան նախագահը կարող է նպաստներ տալու հարցերը վճռել իր պատասխանատուութեամբ՝ ղեկուցանելով այդ մասին առաջիկայ վարչութեան ժողովին: Այդ նպաստների չափսը որոշում է ընդհանուր ժողովը:

Ե. Ընկերութեան գործերի կառավարելը

§ 21. Ընկերութեան գործերը վարում են՝ 1) ընկերութեան վարչութիւնը և 2) անդամների ընդհանուր ժողովները:

Ա Ընկերութեան վարչութիւնը

§ 22. Վարչութիւնը գտնւում է Թիֆլիսում և բաղկացած է ընկերութիւնից ընտրւած հինգ անդամից: Այդ թւով ընտրւում են և փոխանդամներ որ և է անդամի հիւանդութեան կամ Թիֆլիսից բացակայելու ժամանակ փոխարինելու համար: Թէ վարչութեան անդամները և թէ նրանց փոխանդամները ընտրւում են մէկ տարի ժամանակով ընկերութեան այն իսկական կամ պատուաւոր անդամներից, որոնք մշտական ապրում են Թիֆլիսում:

§ 23. Վարչութեան անդամներն իրանց միջից ընտրւում են մի նախագահ և մէկ քարտուղար:

§ 24. Վարչութեան բոլոր անդամները ընկերութեան գործերը վարում են ձրի: Վարչութեան նախահաշի համաձայն ընդհանուր ժողովը որոշում է կանցիւրական ծախսերի համար անհրաժեշտ գումարները:

§ 25. Վարչութեան ժողովները գումարւում են նախագահի հրաւերով, կարիքին նայած, բայց ոչ պակաս քան ամիսը չորս տնգամ:

§ 26. Ժողովը կանոնաւոր է համարւում, երբ ներկայ են վարչութեան անդամների ոչ պակաս քան կէս մասը, որի թւում նախագահը կամ նրա փոխանորդը:

§ 27. Վարչութիւնը իր վճիռները կայացնում է ձայների հասարակ մեծամասնութեամբ, իսկ երբ ձայները հաւասար են, առաւելութիւն է տրւում այն մասին, որին տալիս է նախագահը իր ձայնը:

§ 28. Վարչութեան պարտականութիւններն են.

ա) Վարչութեան անդամների պարտականութիւնների կարգաւորութիւնը, իրար մէջ փոխադարձ համաձայնութիւն կայացնելով:

բ) Ընկերութեան միջոցները մեծացնելու հոգատարութիւնը և ձգտել իրագործելու նրա նպատակները:

բ) Ընկերութեան կայքերն ու դրամագլուխներ կառավարելը:

դ) Ընկերութեան հիմնարկութիւններ կառավարելը և նրանց մէջ ծառայողների համար որոշել հրահանգներ, նմանապէս կանոնադրութիւն:

ե) Ընկերութեան հիմնարկութիւնների համար ծառայողների ընդունելն ու արձակելը և նրանց վրայ հսկողութիւն ունենալը իրանց պարտականութիւնները ճշտիւ կատարելու համար:

զ) Տեղեկութիւններ հաւաքել ընկերութեանը օգնութեան դիմող անձնաւորութիւնների մասին և նրանց համապատասխան օգնութիւն տալ, ընկերութեան միջոցների համաձայն, հսկելով նրանց տուած նպաստների գործադրութեան վրայ:

է) Որքան կարելի է յաճախ ստուգել ընկերութեան գումարներն ու կայքերը:

ը) Ընկերութեան անդամների անւանացուցակներ պահել:

թ) Հսկել, որ անդամները ժամանակին վճարեն իրենց անդամակցական վճարները և ներկայացնել ընդհանուր ժողովին այն անդամների ցուցակը, որոնք չեն

տուել իրանց անդամակցական վճարները կամ որոնք ընկերութեան շահերը չեն պաշտպանել և գնել նրանց ընկերութիւնից հեռացնելու հարցը:

ժ) Սահմանել ընկերութեան հաշւապահութեան և գործառնութեան կարգերը:

ժա) Հսկել կանոնադրութեան գործադրութեան վրայ:

ժբ) Ընկերութեան անունով յարաբերութիւնների մէջ մտնել պատշաճաւոր տեղերի հետ, նմանապէս ներկայացնել պահանջներ և նման միջնորդութիւններ անել դատարաններում:

ժգ. Հրաւիրել ընկերութեան ընդհանուր ժողովներ:

ժդ. Կազմել և ներկայացնել ընդհանուր ժողովին ի հաստատութիւն տարեկան նախահաշիւներն ընկերութեան գումարների և գործունէութեան մասին:

ժե. Գործադրել ընդհանուր ժողովի որոշումները օրէնքներով թոյլատրւած բոլոր միջոցներով, նմանապէս կապելով զանազան տեսակ պայմաններ, աւտեր, առով որոշւած հաւատարմութիւն և ստորագրելով չեկեր և ուրիշ գրամային թղթեր:

ժզ. Քննել առանձին անդամների յայտարարութիւնները:

ժէ. Ընդհանուր ժողովի քննութեան ներկայացնել այն հարցերը, որոնք ընդունւած են վարչութեան կողմից կամ որոնք նրա իրաւասութիւնից դուրս են:

ժը. Ընդհանուր ժողովին ներկայացնելիք բոլոր հարցերի նախնական քննութիւնը:

§ 29. Ընկերութեան բոլոր դուրս գնացած թրդ-թերը ստորագրում են վարչութեան նախագահը կամ նրա տեղապահը, նմանապէս երկու անդամները, որոնց թուում և զանապահը:

§ 30. Ընկերութեան նախակազմութիւնը վարելու, ընդհանուր և վարչութեան ժողովների արձանագրութիւնները կազմելու, ընկերութեան անդամների

այբերնական ցուցակները և նրան օգնութեան դիմող անձնաւորութիւնների ցուցակները, նշանակելով նրանց տւած նպաստների քանակը, վարելու համար դրուից հրաւիրում է մի քարտուղար որոշ վարձատրութեամբ:

§ 31. Քարտուղարը պահում է թէ փողի և թէ մատերեալի մուտքի և ելքի գրքերը և ստանում է մըտական վճարներն ու նւիրատւութիւնները, վարում է ամբողջ հաշւապահութիւնը, ներկայանում է վարչութեան իւրաքանչիւր ամսի մուտքի և ելքի տեղեկագիր, կազմում է տարեկան հաշիւ և վարչութեան կարգադրութեամբ, ընդհանուր ժողովի որոշումների համաձայն, կատարում է բոլոր փողային օպերացիաներն ու վճարումները:

§ 32. Ընկերութեան վարչութիւնը ընդհանուր ժողովի տւած հրահանգների համաձայն որոշում է գանձապահի, մօտ մնացած փողերի, ապահովագրած պօլիսների, գօկումէնտների, թղթերի, գրքերի և զանազան արժողութիւնների պահելու կարգը:

§ 33. Ընկերութեան անդամները կարող են գալ վարչութեան ժողովները առանց վճարող ձայն ունենալու և անել իրանց ենթադրութիւնները ընկերութեան որևէ գործի վերաբերեալ: Եթէ վարչութիւնը այդ ենթադրութիւնները համարում է հիմնաւոր, ի նկատի է առնում նրանց, իսկ եթէ իրան իրաւասութիւնից դուրս է, ներկայացնում է ընդհանուր ժողովին քննելու համար. վարչութիւնը նոյնպէս պարտաւոր է ներկայացնել ընդհանուր ժողովին ընկերութեան որևէ անդամի առաջարկը և այն ժամանակ, եթէ ինքը, վարչութիւնը, այդ առաջարկը մերժում է:

II Ընդհանուր ժողովը.

§ 34. Ընդհանուր ժողովները լինում են սովորական և արտակարգ: Սովորական ընդհանուր ժողովները

գումարում են իւրաքանչիւր տարին վարչութեան յայտարարութիւններով, որ արւում է ընդհանուր ժողովի գումարելու օրից երկու շաբաթ առաջ: Արտակարգ ժողովները գումարում են, կարիք եղած ժամանակ, վճելու այն անյետաձգելի հարցերը, որոնք վարչութիւնը թողել է չվճած կամ որոնք նրա իրաւասութիւնից դուրս են,—վարչութեան որոշումներով, պատշաճաւոր իշխանութեան պահանջով, վերաստուգիչ մասնաժողովի և վերջապէս ընկերութեան անդամների ոչ պակաս քան $\frac{1}{5}$ մասի գրաւոր յայտագրերով, այն դէպքում միայն, երբ այդ յայտագիրը ստորագրած կը լինեն ոչ պակաս քան քառասուն անդամ:

§ 35 Ընդհանուր ժողովները բաց է անում վարչութեան նախագահը, որից յետոյ ներկայ գտնուող անդամները ընտրում են իրանց միջից իւրաքանչիւր անգամ ընդհանուր ժողովի առանձին նախագահ:

Ծանոթ. Եթէ ընդհանուր ժողովում քննում են վարչութեան ներկայացրած հաշիւներն և զեկուցում գանգատներ նրա գործունէութեան մասին՝ նախագահ չի կարող լինել վարչութեան անդամներից և ոչ մէկը:

§ 36 Ընդհանուր ժողովները համարւում են կայացած, երբ մասնակցում են.

ա) Բոլոր անդամների երկու երրորդ մասը, երբ քննում են ընկերութեան շարժական և անշարժ կալքերը գրաւ դնելու, նորը ձեռք բերելու, այն սեփականացնելու հարցերը, ընդհանրապէս փոխառութիւնների, սոյն կանոնադրութիւնը փոփոխելու, ընկերութեան կազմից հեռացնելու իրենց անգամակցական վճարները ժամանակին չտուող անդամներին կամ որոնց գործունէութիւնը չի համապատասխանում ընկերութեան շահերին և կամ հեռացրած անդամներին նորից ընդունելու հարցերը:

բ) Բոլոր անդամների կէս մասը, երբ քննում են ֆինացած բոլոր հարցերը: Եթէ վերոյիշեալ քանակու-

թեամբ ընդհանուր ժողովում անդամներ չեն լինում, ժողովը չի կայանում, կարճ ժամանակից հրաւիրւում է երկրորդ ժողով, որը կայացած է համարւում ներկայ եղող անդամների թւից անկախ:

§ 37. Ընդհանուր ժողովում բոլոր հարցերը վճելու են գաղտնի քէարկութեամբ ձայների հասարակ մեծամասնութեամբ: Ձայների հաւասարութեան ժամանակ, առաւելութիւն տրւում է այն կողմին, որին տալիս է իր ձայնը նախագահը:

Ծանոթ. Իւրաքանչիւր անդամ միայն մէկ ձայնի իրաւունք ունի:

§ 38 Ընդհանուր ժողովների զբաղմունքի առարկաներն են.

ա) Ընդհանուր ժողովի նախագահի, ընկերութեան պատւաւոր, համակրող, վարչութեան անդամների, վերաստուգիչ յանձնաժողովի, նրա փոխանորդների ընտրութիւնը և վարչութեան անդամներին ժամանակը չը լրացրած պաշտօնից հեռացնելու խնդիրը:

բ) Վարչութեան համար կազմած հրահանգների հաստատութիւնը և վավչութեան ու ընկերութեան միւս հիմնարկութիւնների համար ներքին կանոնադրութիւն որոշելը:

գ) Յաջորդ տարւոյ նախահաշիւի և դրա մասին եղած վերաստուգիչ մասնաժողովի զեկուցումների հաստատութիւնը:

դ) Վարչութեան տարեկան հաշիւների քննութիւնն ու հաստատութիւնը և այդ հաշիւների ստուգելը, նմանապէս, կարիք եղած դէպքում, վարչութեան մուտքի և ելքի գրքերը ստուգելը վերաստուգիչ մասնաժողովի միջոցով:

ե) Որոշել այն նպաստի ամենաբարձր չափը, որ տրւում է արտակարգ դէպքերում վարչութեան նախագահի անձնական հայեցողութեամբ:

զ) Որոշել կանցեղեարարական ծախսերի համար գումարի քանակը:

է) Կանոնադրութիւնը փոփոխելու կամ լրացնելու և ընկերութեան գործողութիւնների փակելու հարցերը:

ը) Թոյլ տալ վարչութեան ձեռք բերել կամ սեփականացնել անշարժ կայքեր, վարձել բնակարան, բաց անել գրադարաններ, իր սեփական լրագիր հրատարակել ընդհանուր ժողովում որոշւած ծրագրով և այս կամ այն փոխառութիւն կնքել:

թ) Որոշել այն հարցը, թէ ընկերութեան զրաժադուխներով որ տոկոսաբեր թղթեր պէտք է ձեռք բերել:

ժ) Որոշել այն գումարների քանակը, որով ընկերութեան վարչութիւնը իրաւունք ունի կապել պայմաններ և հաստատել պայմանների նախադիժը ամենամիժ գումարների համար:

ժա) Ընկերութեան կազմից հեռացնել ինչպէս իրանց անդամակցական վճարները չտուող անդամներին, նմանապէս նրանց, որոնց գործունէութիւնը չի համապատասխանում ընկերութեան շահերին, այլ և ընդունել ընկերութեան հեռացրած անդամներին:

ժբ) Զանազան առաջարկութիւնների քննութիւնը ինչպէս ընկերութեան անդամների, վարչութեան և վերաստուգիչ մասնաժողովի, ընդհանրապէս ընկերութեան գործունէութեան մասին, նմանապէս և մասնաւոր անձնաւորութիւնների ընկերութեան անդամների հետ յարաբերութիւնները հարթելու հարցերի մասին և այդ առաջարկութիւնները ընկերութեան վարչութեան միջոցով ի կատար ածելը:

ժգ) Այն բոլոր հարցեր վճռել, որոնք վերաբերում են սոյն կանոնադրութեամբ որոշւած ընկերութեան նպատակներին և նրա ապագայ գործունէութեան

նէութեան լայնացնելու միջոցների քննութիւնը:

Ծանոթ. Ընդհանուր ժողովները կարող են քննել միայն այն հարցերը, որոնք պատկանում են կանոնադրութեամբ որոշւած ընկերութեան անմիջական գործունէութեանը:

§ 39. Իւրաքանչիւր ընդհանուր ժողով քննում է միայն այն հարցերը, որի համար նա գումարւած էր:

§ 40. Վերաստուգիչ մասնաժողովը կազմւած է ամեն տարի ընդհանուր ժողովում ընտրւած անդամներից: Ընդհանուր ժողովում ընտրւում են և նրանց 3 փոխանորդներ, որոնք փոխարինում են մասնաժողովի անդամներին նրանց հիւանդութեան կամ երկարատեւ բացակայութեան ժամանակ:

Ծանոթ. I Վերաստուգիչ մասնաժողովի անդամները ծառայում են առանց վարձատրութեան:

Ծանոթ. II Վարչութեան անդամը չի կարող միաժամանակ լինել և վերաստուգիչ մասնաժողովի անդամ:

§ 41. Վերաստուգիչ մասնաժողովը պարտաւոր է միշտ ստուգել ընկերութեան գումարները, կայքերն և գրքերը: Նրա պարտականութիւնն է նպանապէս ստուգել վարչութեան կազմած ընդհանուր ժողովին ներկայացնելիք տարեկան նախահաշիւը, որը պէտք է ներկայացւի մասնաժողովին ընդհանուր ժողովից երկու շաբաթ առաջ, որտեղ պէտք է նախահաշիւը հաստատել:

Ծանոթ. Վերաստուգիչ մասնաժողովը երկու անգամից ոչ պակաս իրաւունք ունի իր հայեցողութեամբ կամ ընկերութեան անդամների գրաւոր պահանջով յանկարծակի բեզեզիա անել:

§ 42. Մասնաժողովի անդամները վերաքննութեան մասին ստուգւած գրքերում նկատողութիւններ են առնում, և անկանոնութեան երեւան գալու դէպքում, պարտաւոր են արտակարգ ընդհանուր ժողով հրաւիրել:

Չ. Ընդհանուր կանոնները

§ 43. Ընկերութիւնը գտնուում է ներքին գործերի մինիստրութեան իրաւասութեան տակ:

§ 44. Ընկերութեան անդամները վարչութիւնից կարող են ստանալ տոմսակներ և կամ տիպլօմներ, որ նրանք գտնուում են այդ ընկերութեան մէջ:


§ 45. Սոյն կանոնադրութիւնը փոփոխելու կամ լրացնելու համար հարկաւոր է պատշաճ թոյլտուութիւն:

§ 46. Ընկերութեան գումարների և գործունէութեան մասին կազմած մանրամասն հաշիւները ընդհանուր ժողովում հաստատուելուց յետոյ, անյապաղ տարին լրանալուց յետոյ ներկայացւում է որոշուած քանակութեամբ և կարգով պատշաճաւոր իշխանութեանը: Բացի դրանից նոյն կարգով ներկայացւում է որոշած ձևով ընկերութեան տարեկան հաշիւներից քաղած կարճառօտ քաղուածքները, նրա իրաւասութեան տակ գտնւած հիմնարկութիւնների ադմինիստրացիայի կազմի մասին:

§ 47. Հաշեւտակոն տարին համարւում է յունւարի 1-ից մինչև միւս յունւարի 1-ը:

Է. Ընկերութեան խափանումը

§ 48. Եթէ որեւէ պատճառով ընկերութիւնը կը վերջացնի իր գործունէութիւնը, նրան պատկանող բոլոր կապիտալներն ու առհասարակ բոլոր կայքերը, որոնք լիկվիդացիայից յետոյ մնան կման, անցնում են Թիֆլիսի Առևտրական Կոնսուլատին:



2013

ՀՀ Ազգային գրադարան



NL0043567

APM.
H 2-47C